

Na osnovu čl. 71. i 125. Statuta Općine Vogošća ("Službene novine Kantona Sarajevo", broj: 27/14 - Prečišćeni tekst i 14/15), općinski Načelnik donosi:

**P R A V I L N I K**  
**O RASPODJELI NOVČANIH SREDSTAVA ZA DODJELU**  
**JEDNOKRATNE NOVČANE POMOĆI PENZIONERIMA KOJI SU KORISNICI MINIMALNE PENZIJE**

**Član 1.**

Ovim Pravilnikom utvrđuju se kriteriji i način dodjele jednokratne novčane pomoći penzionerima koji su korisnici minimalne penzije, a čije je prebivalište/boravište na području općine Vogošća.

**Član 2.**

Cilj dodjele jednokratne novčane pomoći u smislu ovog Pravilnika, predstavlja kontinuiranu brigu o licima treće životne dobi, a koji su korisnici minimalne penzije, kako bi zadovoljili minimum egzistencije, te otklonili posljedice socijalne isključenosti.

**Član 3.**

Finansijska sredstva utvrđena na ekonomskom kodu 614239 - grant pomoć penzionerima sa najnižom penzijom, raspoređuje općinski Načelnik, zaključkom na prijedlog Službe za boračko-invalidsku i socijalnu zaštitu Općine Vogošća (u daljem tekstu Služba), u skladu sa utvrđenim kriterijima, a na osnovu podnesenih zahtjeva putem protokola Općine Vogošća.

**Član 4.**

Pravo na jednokratnu novčanu pomoć mogu ostvariti penzioneri koji su korisnici minimalne penzije.

**Član 5.**

Jednokratna novčana pomoć će se dodjeljivati u visini od 50,00 (pedeset) KM.

**Član 6.**

- a) Zahtjev za dodjelu novčane pomoći po ovom Pravilniku, podnosi se Službi za boračko-invalidsku i socijalnu zaštitu, putem Centra za pružanje usluga građanima Općine Vogošća, na propisanom obrascu uz potrebnu dokumentaciju koja je navedena na zahtjevu;
- b) Podnesene zahtjeve razmatra Služba za boračko-invalidsku i socijalnu zaštitu i ako su u skladu sa kriterijima Pravilnika vrši isplatu putem Službe za budžet i finansije;
- c) Podneseni zahtjev važi samo za budžetsku godinu u kojoj je zahtjev podniet.

### **Član 7.**

Stupanjem na snagu ovog Pravilnika, prestaje da važi Pravilnik o raspodjeli novčanih sredstava za dodjelu jednokratne novčane pomoći penzionerima u stanju socijalne potrebe sa područja općine Vogošća, broj: 09/1-35-188/19 od 28.01.2019. godine.

### **Član 8.**

Izmjene i dopune ovog Pravilnika vršit će se na način i po postupku koji važi za njegovo donošenje.

### **Član 9.**

Ovaj Pravilnik stupa na snagu narednog dana od dana objavljivanja na oglasnoj ploči Općine Vogošća.

Broj: 09/1-35-1359/19

Datum: 04.07.2019. godine

